



Broj: JN05-16-4-44-4/23  
Sarajevo, 04.08.2023.godine

Na temelju člana 69. stav (2) tačka a) i člana 70. stav (1), (4) i (6) Zakona o javnim nabavkama („Službeni glasnik Bosne i Hercegovine“ broj: 39/14 i 59/22), ministar pravde Bosne i Hercegovine, d o n o s i

## **ODLUKU**

### **o poništenju postupka javne nabavke dijelova uniformi sa službenim oznakama za potrebe Sudske policije Bosne i Hercegovine - LOT 1 i LOT 2**

#### **I**

Poništava se postupak javne nabavke dijelova uniformi sa službenim oznakama za potrebe Sudske policije Bosne i Hercegovine - LOT 1 i LOT 2 u skladu sa članom 69. stav (2) tačka a) Zakona o javnim nabavkama Bosne i Hercegovine, jer nije dostavljena nijedna ponuda u određenom krajnjem roku.

#### **II**

Postupak nabavke iz tačke I ove odluke se poništava, odluka stupa na snagu danom donošenja.

### **Obrazloženje**

Ministarstvo pravde Bosne i Hercegovine je 22.06.2023. godine pokrenulo otvoreni postupak javne nabavke dijelova uniformi sa službenim oznakama za potrebe Sudske policije Bosne i Hercegovine i izvršilo objavu na portalu javnih nabavki Agencije za javne nabavke Bosne i Hercegovine [www.ejn.gov.ba](http://www.ejn.gov.ba) 26.06.2023.godine.


Komisija za javne nabavke Ministarstva pravde BiH (u daljem tekstu: Komisija) je utvrdila da u ostavljenom propisanom krajnjem roku za dostavljanje ponuda nije pristigla niti jedna ponuda.

Ministarstvo pravde Bosne i Hercegovine zaprimilo je ponudu ponuđača SHOT d.o.o. Zenica, međutim ista je dostavljena dana 27.07.2023. godine, u 10:12 sati, a što je u suprotnosti sa propisanim u odjeljku “ROK ZA DOSTAVLJANJE PONUDA” tenderske dokumentacije broj: JN05-16-4-44-2/23 kojom je određeno kako rok za dostavljanje ponude ističe 27.07.2023. godine u 10:00 sati. U skladu sa članom 63. stav (1) Zakona o javnim nabavkama kojim je regulisano da se ponude primljene nakon isteka roka određenog za prijem ponuda neotvorene vraćaju ponuđaču, ponuda ponuđača SHOT d.o.o. Zenica vraćena je neotvorena.

Iz navedenog razloga Komisija je u skladu sa člankom 69. stavak (2) tačka a) Zakona o javnim nabavkama, kojim je propisano da je ugovorno tijelo obavezno poništiti postupak javne nabavke u slučaju da nije dostavljena nijedna ponuda u određenom krajnjem roku dala preporuku ministru pravde BiH (Zapisnici o ocjeni ponuda broj: 18.6-16-4-5318/23 od 27.07.2023. godine) da se u predmetu nabavke dijelova uniformi sa službenim oznakama za potrebe Sudske policije Bosne i Hercegovine, donese odluka o poništenju postupka.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio odluku, odnosno obavještenje o poništenju postupka.



Prilog:

- Zapisnici o ocjeni ponuda

Dostaviti:

- Ponuđaču u postupku,

- a/a.